

Archwiliadau ansawdd cerdded a beicio

Gwybodaeth ar gyfer safleoedd y Gwasanaeth Iechyd Gwladol (GIG)

Mawrth 2009



Llywodraeth Cynulliad Cymru
Welsh Assembly Government



Sustrans yw elusen drafnidiaeth gynaliadwy flaenaf y DU.

Ein gweledigaeth yw byd y bydd pobl yn dewis teithio mewn ffyrdd sydd o fudd i'w hiechyd a'r amgylchedd. Rydym yn gweithio ar atebion ymarferol, arloesol i'r heriau trafndiaeth sy'n ein hwynebu ni i gyd. Sustrans yw'r elusen sy'n gyfrifol am y Rhwydwaith Beicio Cenedlaethol Gwobrwyedig, Llwybrau Diogel i'r Ysgol, Bike It, TravelSmart, Teithio Byw, Connect2 a Liveable Neighbourhoods, pob un yn brosiect sy'n newid ein byd fesul milltir.

Er mwyn darganfod rhagor ewch i www.sustrans.org.uk neu ffoniwch 0845 113 00 65

Sustrans Cymru
107 Stryd Bute
Caerdydd
CF10 5AD

Sustrans Cymru yn gweithio gyda'r GIG

Caiff Sustrans Cymru ei ariannu gan Lywodraeth Cynulliad Cymru i gefnogi safleoedd GIG mawr mewn hyrwyddo a gweithredu cyfleoedd teithio egniol ar gyfer staff, ymwelwyr a chleifion.

© Sustrans Gorffennaf 2009

Elusen Gofrestredig Rhif. 326550 (Cymru a Lloegr) SC039263 (Yr Alban)

Rhif Cofrestru TAW 41674065

Archwiliadau ansawdd cerdded a beicio ar safleoedd GIG

1. Rhagymadrodd

Fel rhan o'r cynllun teithio cynaliadwy, mae'n arfer da i gynnwys 'archwiliad ansawdd'. Y ffordd orau i wneud hynny yw ochr yn ochr ag archwiliad safle cyffredinol, gan fod tasgau'n cynnwys nid yn unig edrych ar gyfleusterau allweddol ar y safle, ond hefyd nodi sut y gellir eu gwella. Gall gwelliannau o'r fath gael effaith uniongyrchol ar y rhai sy'n dewis Teithio Egniol (cerdded a beicio, ac integreiddio'r rhain gyda thrafnidiaeth gyhoeddus), a chynyddu cyfradd llwyddiant ymyriadau cysylltiedig, megis darpariaeth standiau beic a chawodydd. Dylai'r meysydd allweddol i'w harchwilio gynnwys cyffyrdd, gofodau gwyrdd/agored, prif lwybrau cerdded/beicio (yn cynnwys y llwybrau y mae'n well gan bobl eu defnyddio, waeth beth am yr arwyddion), a chyfnewidfeydd trafndiaeth gyhoeddus, megis arosfannau bws.

Gall archwiliad ansawdd nodi enillion cost isel a digost cyflym yn ogystal â chyfleoedd ar gyfer rhaglenni wedi eu hariannu a fydd yn gwella diogelwch a mwynhad holl ddefnyddwyr y safle. Felly gall yr archwiliadau hyn lywio proses gynllunio a gweithredu cynlluniau teithio, a chefnogi canfyddiadau a ddaw o arolygon staff/ ymwelwyr/ cleifion.

Mae'r ddogfen hon wedi ei datblygu i roi trosolwg cyffredinol o archwiliad beicio a cherdded. Er mwyn cynnal archwiliad safle-benodol efallai y byddech am ddefnyddio'r offer neu'r feddalwedd archwilio sydd ar gael ar y rhyngwrwyd neu gyflogi ymgynghorwyr. Gweler Adran 10 am ragor o wybodaeth.

Dylai'r archwiliad ansawdd gynnwys rhai neu'r cyfan o'r canlynol (Nodwch y rhoddir ffocws ar archwiliadau cerdded a beicio. Ceir deunydd darllen pellach ar gyfer pob archwiliad ar ddiwedd y ddogfen):

2. Archwiliad cerdded

Mae'r archwiliad hwn yn adolygu ansawdd y llwybrau a'r ardaloedd i gerddwyr ar eich safle. Mae hyn hefyd yn cynnwys sicrhau bod eich safle yn hygyrch i BOB defnyddiwr. Mae'r ffactorau allweddol i arsylwi arnynt yn cynnwys:

- **ansawdd yr arwyneb** - *dadansoddi llwybrau, edrych ar beryglon baglu, arwynebau anwastad, ac ati*
- **goleuo** – *a oes goleuo digonol wedi ei ddarparu, ac ar waith ar yr amseroedd priodol?*
- **gwrthdaro â thraffig** - *a yw'r croesfannau wedi eu lleoli mewn manau diogel ar gyfer ceir a cherddwyr, ac a oes arwyddion digonol ar gyfer pob math o ddefnyddwyr?*
- **cyfleusterau i gerddwyr**- *argaeledd a pha mor agos yw meinciau, arwyddion, ardaloedd â chysgod ac ati*
- **rhwystrau** - *a yw gwrthrychau/ dyluniad llwybrau yn achosi rhwystr? E.e. bolardau, cyrbau priodol wrth groesfannau neu lwybrau a ffafrir?*
- **glanhau** – *a yw'r llwybr yn lân ac yn rhydd o sbwriel?*
- **draeniad** - *a yw llwybrau yn glir o beryglon megis d r/rhew/malurion ffordd?*

3. Archwiliad beicio

A yw'r llwybrau beicio ar y safle yn annog pobl i feicio i'r gwaith/i ymweld â'r safle?

- **cydlyniad** – *a yw safon dylunio'r rhwydwaith beicio yn gyson ar ei hyd? h.y. lonydd wedi eu paentio'n goch, arwyddion safonol, arwyddion yn eu lle ac ati*
- **uniongyrchedd** - *a yw'r llwybrau sydd wedi eu harwyddo mor uniongyrchol â phosibl ac ar lwybr a ffafrir gan feicwyr?*
- **yn atyniadol** - *a yw'r llwybrau wedi eu goleuo a'u harwyddo'n dda gydag amgylchoedd sy'n esthetig bleserus?*
- **diogelwch** - *a yw llwybrau wedi eu dylunio er mwyn lleihau'r perygl o wrthdrawiadau gyda defnyddwyr eraill y ffordd a cherddwyr? A all yr Awdurdod Lleol gynorthwyo i wella diogelwch ar gyfer beicwyr ar ffyrdd dynesu i'r safle?*
- **cyfforddusrwydd** - *a oes wyneb llyfn wedi ei gynnal a'i gadw'n dda a llethrau graddol i'r ffyrdd, a nodweddion sy'n osgoi symudiadau cymhleth ac ymyriadau sydyn?*

4. Archwiliad trafndiaeth gyhoeddus

A yw'r amgylchedd a ddarperir ar gyfer defnyddwyr trafndiaeth gyhoeddus (bws, trê, tacsî) yn annog pobl i ddefnyddio'r gwasanaethau? A oes darpariaeth ar gyfer:

- **tywydd drwg** – *a oes cawodydd? A oes manau cyswllt? Beth yw'r gweithdrefnau ar gyfer amodau tywydd eithafol?*
- **cysylltiadau mewn argyfwng** – *a oes manau cyswllt mewn argyfwng ar gael wrth y cysgodfannau? A oes arwyddion clir ar gyfer y rhain?*
- **amseroedd bws/trên** - *a ddarperir gwybodaeth amser gwirioneddol ymhob arosfan/cysgod? A ddarperir copïau caled hefyd er mwyn cynllunio siwrneiau?*
- **goleuo digonol** - *a yw'r llwybrau i gysgodfannau/arosfannau wedi eu goleuo'n dda drwy gydol y flwyddyn?*
- **ardaloedd diogel** - *a roddwyd ystyriaeth i ddiogelwch personol wrth leoli'r arosfannau? A ddiogelir cerddwyr rhag sefyllfaoedd anniogel?*
- **arwyddion clir** - *a yw'r arwyddion e.e. ar gyfer y dderbynfa a man terfyn taith bws wedi eu harddangos yn glir i bawb?*

- **darpariaeth amgylchedd sy'n atyniadol i'r llygad?** *Ymholiad gwrthrychol; pa gamau ellid eu cymryd i wneud yr amgylchedd yn fwy atyniadol ? e.e. gosod celf gyhoeddus, cynyddu nifer y planhigion, ac ati .*

5. Archwiliad ansawdd gweledol

Sut allwch chi wella effaith weledol eich safle i'w wneud yn fwy apelgar i bobl sy'n cerdded a beicio drwyddo (ar gyfer dibenion trafndiaeth a gwaith/ymweld)?

6. Adolygiad o sut y defnyddir y strydoedd gan 'gymuned' y gweithle

A ydych chi'n gwybod lle mae'r llwybrau dymuniadwy allweddol (y llwybrau a ddefnyddir amlaf a'r hawsaf) ar eich safle? A ellir mapio'r rhain ac yna eu defnyddio i lywio'r rhaglen gwelliannau?

7. Archwiliad diogelwch y ffyrdd (yn cynnwys asesiad risg)

A yw cerddwyr a beicwyr yn ddiogel ar eich safle? Sut y gellir gwella'r prif groesfannau, llwybrau a chyffyrdd er mwyn cynnal llif traffig ond hefyd sicrhau diogelwch pawb?

8. Archwiliad mynediad

A yw manau mynediad ar y safle o fudd i holl ddefnyddwyr y safle; car, cerddwyr, defnyddwyr trafndiaeth gyhoeddus a beicwyr? H.y. a allai agor mynedfa yng nghefn y safle annog rhagor o bobl i gerdded neu feicio? A yw'r canolbwynt trafndiaeth gyhoeddus o fewn pellter hawdd i'w gerdded o fynedfa'r safle?

9. Ymyriadau

Yn dilyn archwiliad ansawdd gallai'r canlynol fod yn atebion addas ar gyfer gwella'r amgylchedd teithio egniol (nid yw hon yn rhestr gyflawn):

- arwyddion sylfaenol ar gyfer cyrchfannau (yn cynnwys cyrchfan, pellter ac amseroedd) a nodweddion eglurder (h.y. gwneud yn si'r fod holl ddefnyddwyr y ffordd a'r llwybr yn ymwybodol o eraill) ar gyfer cerdded a beicio
- gwella ac uwchraddio parcio beiciau. Gallai hyn gynnwys storio dan gysgod, mewn safle mwy gweladwy, hawdd cael mynediad iddo a diogel, a dan oruchwyliaeth teledu cylch cyfyng
- gweithio mewn partneriaeth gyda 'gr p lechyd a Lles' Ymddiriedolaeth neu'r safle i ddatblygu cynlluniau megis 'Campfeydd Gwyrdd' neu 'Tir lechyd', a allai roi'r cyfle i staff dreulio amser yn yr awyr agored e.e. garddio - gwella'r amgylchedd lleol a chynyddu gweithgaredd corfforol. Bydd hyn hefyd yn cyfrannu tuag at asesiadau'r Safon lechyd Gorfforaethol, a hefyd yn gwella effaith weledol y safle
- gosod pwyntiau gwybodaeth o gwmpas y safle ac mewn canlobwynt trafndiaeth allweddol
- argymell arwyneb lliw er mwyn cynyddu ymwybyddiaeth o feicwyr a darparu canfyddiad o barth gyda thraffig wedi'i dawelu ehangach
- cynydd yn y nifer o bwyntiau mynediad i'r safle

- datblygu mapiau i ddangos cyfleusterau cerdded/ beicio/ trafnidiaeth gyhoeddus a llwybrau
- darpariaeth lonydd beicio cynghorol ar ffyrdd lleol

10. Darllen pellach/ Llyfryddiaeth

Healthier worksite initiative: Audit Tool – Canolfannau ar gyfer Rheoli ac Atal Heintiau:
http://www.cdc.gov/nccdphp/dnpa/hwi/toolkits/walkability/Walkability_Audit_Tool.pdf

Guidelines for Cycle Audit and Cycle Review (2005)- Yr Adran Drafnidiaeth:
www.dft.gov.uk/pgr/roads/tpm/tal/cyclefacilities/cycleauditandreview?page=1

Manual for Streets (2007) - Yr Adran Drafnidiaeth
www.dft.gov.uk/pgr/sustainable/manforstreets/

Design manual for roads and bridges; Non-motorised user audits (2005) Standards for Highways: www.standardsforhighways.co.uk/dmr/vol5/section2/hd4205.pdf